

I quaderni di
GRAZZANISE ON LINE

Camilla Ferrara



Le Cicuzze 2019

Poëtica

Marzo 2019

Poëtica

Camillo Ferrara: *Le Cicuzze 2019*

Realizzato da www.grazzaniseonline.eu

Marzo 2019



Cicuzze 2018 by **Camillo Ferrara** is licensed under a [Creative Commons Attribuzione - Non commerciale - Non opere derivate 3.0 Unported License](https://creativecommons.org/licenses/by-nc-nd/3.0/).

Questo lavoro può essere scaricato, condiviso e distribuito a condizione che non venga modificato né utilizzato a scopi commerciali, sempre attribuendo la paternità dell'opera all'autore

Le immagini all'interno sono state fornite dall'autore.

La satira delle Cicuzze per Capua

Tra le numerosissime iniziative della 133° edizione del Carnevale di Capua, hanno trovato posto, come negli anni passati, le Cicuzze di Camillo Ferrara, per l'occasione lette dall'autore nel salone municipale intitolato a quel grande della medicina che risponde al nome di Ferdinando Palasciano.

Le cicuzze sono un termine dialettale per indicare le pietre appuntite che se ti colpiscono ti fanno male. Titolo scelto non a caso da alcuni anni per designare le quartine poetiche, di natura satirica, che si prefiggono di fustigare la classe politica e non solo, e censurare, con l'arma dell'ironia e del sarcasmo ma senza livore, "calunnie, trame e inciuci" che non fanno il bene della città.

"Le "Cicuzze" - dice l'autore - hanno un carattere licenzioso e mordace e sono ben imbevute di "italico aceto", come lo erano i versi recitati dagli antichi contadini camuffati con maschere in occasione delle feste campestri. E così, ogni anno, il sottoscritto tiene accesa l'antica fiammella della satira perché questa nobile tradizione non vada dimenticata e perduta, come sono andate perdute, per sempre, alcune importanti e significative tradizioni della nostra antica Città. Le "Cicuzze" non hanno la presunzione di essere la continuazione dell'antica satira, ma vogliono essere, ridendo e scherzando, un richiamo all'intera classe politica locale e non, perché faccia ogni sforzo affinché la nostra Capua riprenda, finalmente e al più presto, il ruolo che ha sempre avuto in tutti i secoli passati: quello di Regina del Volturno e di autorevole guida morale di Terra di Lavoro".

Anche questo è un modo di amare la propria terra e Camillo Ferrara, la cui capuanità è stata premiata dai commercianti durante le manifestazioni carnevalesche, è un amante sincero.

Franco Tessitore



PROCLAMA DI CARNEVALE 2019

Bonasera e ben trovati, cari concittadini
orfane 'e sta Citta' che fuie Rigina,
'e 'sta Capua che a botte 'e tire mancine
ll'avita fatta fa' na brutta fine !!

'E 'sta Citta' ca senz'ordine e ssenza legge
tutt'e iuorne va' sempe cchiu' pegge,
sta povera Citta' vilipesa e massacrata
da 'e suoie stesse figlie , 'ngrate e scellerate!

E mo' tocca a tte, populo, a tte fa' ll'esame 'e cuscienza
e a cercarle perdono pe' tutt''a strafuttenza,
p'e ll'apatia, p''a cunnivenza, p'e ll'indifferenza,
p' 'o silenzio, p' 'a viulenza e pp''a troppa accunniscenza
cu cchi tt' ha cundannato a scunta' sta penitenza!

Tu ca te ssi strafuttuto 'e chesta Citta'
do primmo mumento ca ss'accumenciaieno a juca' ,
mmo' ca si arrivato dint''o stritto do muto
vuo' cagna' na via ca nu tene cchiu' asciuta.?

Primma ll'haie fatta spuglia' 'e tutto chello ca teneva,
nu ll'he' maie prutetta da chi ss''a magnava e ss''a veveva,
primma ll'haie fatta maltratta' e ll'haie fatta sacchia'
e mmo' ca pare mmorta 'a vuo' resuscita'?

Site tutte quante culpevule 'e chest'amara fine
pecche' nisciuno ha fatto niente pe' cuntrasta' a 'e caine,
chille ca ll'hann'usata comm'a ccarta 'e latrina
e po' ll'hann'abbannunata a stu brutto destino.

Chella longa schiera 'e lefrechine e de malandrine
che assuciate a na bbona morra 'e libbertine ,
mentre tt''arrubbavano 'a dignita' e 'a speranza,
se ienchevano 'e ssacche e 'e vvocche a crepapanza!!

E de sti pezziente resagliute ce ne so' state a centenare,
durante cchiu' 'e mmiezo seculo 'e cumbutte e malaffare,
mmiezo seculo ca ha visto facenniere e uommene fallute
'e ss'arrecchi a 'e spalle 'e sta' Citta' ca mo' pare perduta!

E io stasera so' venuto pe' te cuntesta'
tutt''o mmale che haie fatto a 'sta Citta',
e pp'accusa' piccote, gruosse, signure e fauze milorde
senza pieta' e senza misericordia!

Percio' stasera sentarraie sulo na satira arraggiata
che e' 'o sfogo sincero 'e n'anema 'ncazzata
ca st'assistenne senza pute' fa' niente,
a' fine 'e na Citta' vutat'a 'o fallimento!

E nun ttì aspetta', manco, ca io pizzeco a cchisto o a cchillo,
pecche' da dint''a scarpa nun mm'agg''a leva' 'e vreccille,
ma vurria sulamente che 'a sana e 'a bbona gente
ss'aunesse pe' salva' chesta Citta' murente!

Pe' tte 'o 26 'e maggio sarra' ll'urtema turnata
pe' te libera' da 'e vecchie e dda' 'e nuove cunfrate
chille ca stann'a sturia' pe' ffa' ll'urtema rattata
a' 'o funno da caccavella 'e stu comune dissestato!

Se so mmise arret''e giuvane cu 'a faccia pulita,
ca le serveno pe' ffa' avvera' 'e suonne pruibite,
chille ca senza scrupole ogge te vasa 'e mmane
ma e' pronto a tte iett''a mmare, nt''o ggiro 'e na settimana!!

Llibberate mo' stesso da 'e parassite assetate,
ca vanno subbeto subbeto pigliate e scafacciate,
e alluntana tutt''e zugasango ca senza farne mistero
vonno fa' canta' a tte e a 'sta Capua l'urtemo miserere!

Ma pure si staie murenno e staie all'urtemo respiro
allicordate ca tiene 'o duvere 'e cumbatte sti vampire,
e ssi nunn'o faie e ce pierde 'a capuanita' e ll'unore
nun tt''o perdunarra' manco Nostro Signore!!

Si vuo'overo salva' Capua allora da' fiducia
a cchi nun ss'e' maie prestato a chiacchiere e 'nciuci,
a cchi tt'addemustrato 'e nnu servì pupare
e a cchi nunn'e' maie trasuto rint''e malaffari.

Da fiducia a cchi e' unesto e che tte parla sincero,
a cchillo te vo' tene' commo primmo pensiero,
e a cchi desse pur''a vita pe' 'sta bella Citta'
ca sta' lla' lla', puverella , mprucinto 'e trapassa!!

Ma tu, ca pe' nu desguito, sì stato sott'acito,
a t'asciuga', pe' dduie anne, lacreme e ferite ,
saie tutt''a verita' e nun ne faie mistero
ca mo' pe' salva' Capua ce vo' na nova primmavera!

O sino' pure 'st' anno sarra' pegge 'e ll'ato anno
e ll'anno ca vene sarra' pegge 'e chist'anno
se mannammo a cc'ammenestra' a 'e solete scarfasegge
o a cchi ten''o defetto 'e tene' 'a manolegge.

Ma tu nu parle e nu siente, si addeventato sordomute
'o staie comm'a ssempe addurmuto e sciubuluto ?
Arape bbuono ll'uocchie e accorto a cchi fa' 'e paccotte,
e vire e nu te fa' turna' a venne pe' nu cuoppo 'e panzarotte!!

Ma tu 'o vvuo'capì ca stu Palazzo senza duttrina
tt'affamato e tt'ha purtato famma e arruina?
E cc' 'affussato 'sta Citta', nt''e seculu usannata,
da quanno iette mmano a' cchi nun tt'ha maie amato!

Ma 'a colpa e' 'a toia ca te si mmis''a cuccia
facenne vallia' affariste e a 'e zucacannuccia!!
E mmo' guardate attuorno, sulo pe' nu mumento
accussì te ne accuorge ca tt'hanna fatto fesso e cuntento!

Nunn'o vire ca 'sta Citta' nu tene cchiu' nniente
e che va' annante sulamente cu 'e terapie d'accanimento?
Nunn'o vire ca staie a campa' rint''a nu murtorio
addo' nun ce sta' cchiu' manco n'anema a 'o priatorio?



Allora da stu suonno te vuo' si o no sceta' ?
Nu crire ca e' arrivata ll''ora 'e fa' chello ca 'e fa'?
Cacce 'e guarnemiente e fatte rispetta'!!
E a cchi vo' 'o mmale Capua appiccelo senza pieta'! !

Allora , aizate da terra, pure si staie sciancato,
trova tutto ll'urgoglio e dda' mazzate a' cecata
accummencianno da chi vo' sta Capua scarrupata,
e accussì 'o vvire se cagna o no 'a iucata!!

Scetate, e nu durmi cchiu' cu 'sta zizza 'mmocca,
e nun te fa' ienchere cchiu' 'e favule e papocchie ,
guarda deritto nt''a ll'uocchie a cchi te vo' fa' a' padrone
e dille ca pe' puorche nun ce sta' cchiu' pastone!

E llevate da cuollo 'st'eterna indifferenza,
e 'sta cazza 'e apatia ca te 'nguaia ll'esistenza,
caccia fora a 'o curaggio , repiglia pe' mmano 'a Citta'
e dalle tutto ll'ammore e tutt''a capuanita'!

Nu tene' cchiu' pacienza e nun te mettere appaura
tanto gia' staie acciso e staie scauzo e annuro,
armate 'e vulunta' e datte subbeto na mossa
primma ca 'e scalature tt'abbilano nt''a fossa!

Ma tu tt' allamiente sulo e staie chin''e veleno,
campe appecundruto e agliutte fele e ppene,
tu, ca pe' ghii appriesso a cchi se ienchev''o cannarone
he' pusat' 'a curona e te sì acalat''o cazione!

Allicordate ca pe' tte ce sta' sul ona tazza 'e bbroro
pecche' 'a carne 'nt''a tiana ss'hannu magnato lloro
e a tte t' hanna rimasto 'e niervecciulle e ll'ossa
percio' te truove cu nu pere gia' 'nt''a na mala fossa!!

E mmo' ca tt'agg''a fatto 'sta bella cazziata
capisceme e perdoname si tt'agg''a bistrattato
ma 'a vere' tu scempio me so' accussì ncazzato
ca mm'e' venuta 'a voglia 'e te piglia' a mazzate!

Ma doppo ca si stato sedotto e abbannunato,
pure da chi tu nun te fusse maie aspettato,
nu pienze ca mo' 'a musica adda' essere cagnata
e che tt'he' metter''e spalle tutto chello ca he' passato?

Tt'allicuorde 'e chille ca te prummettetto nu nuovo dimane
senza facenniere, 'ntrallazze e sottamano?
E tt'allicuorde 'e chi ca te prummettette giustizia e trasparenza
e' de ffa' ferni pe' ssempe 'ntrallazze e preputenza?

Tt'allicuorde 'e chi te facette sunna' chistu Palazzo 'e cristallo
cu nmove cuscienze, ca nun te ienchevan' 'e palle?
E na Capua urdinata, pulita e senza magnatora
pronta a se repiglia' 'o primmo posto 'e Terra e Lavoro?

Chille ca te facettene sunna' 'o famuse cagne 'e passo
e ppo' tt'hanno ruttamato e mannato dint' 'o scasso?
Chille cc'hanno fatto perpetua' chill'amaro destino
che da' cinquant'anne a mmo' te sta' 'appicciann' 'e lumine?

E tu, tt'allicuorde ca ce sperave e ce credive
e che pruvaste amarezza e nu ddio 'e currivo
quanno veriste 'e perde nn'ata bbona uccasione
pe' fa' resuscita' sta Citta' ca tene 'o pietto 'e cartone?

Cuntave int''a na maggiuranza senza dulture 'e panza
Mmece gia' 'juorno appriesso ss'accumenciaien''e ddanze
e se capette immediatamente e senza ceremmonie
cc'avive mannato a guvernerte na specie 'e babilonia!

Pero' se capette subbeto senza farne mistero
ca era iuta 'a cart''e musica ancora 'mman''e barbiere,
inzomma iste nt''a ll'urne pe' fa' na nova semmena
ma faciste 'a mala nuttata e 'a figlia femmena!

Penzav''e semmena' speranze pp'affruntà viento 'e tempeste
'nvece te criscettere sulo rammegne e rapeste,
e fuie da tanno ca capiste ca ire iuta 'nt''o scatascio
e che ce voleva sulo Lello Ricciarde pe' te mette nt''a cascia!!

Ammore, tosse e rogha nun se ponno annasconne,
specialmente si 'a rogha 'a tene cocche carogna ,
cert''e che chella maggiuranza era comm'a vino 'e fiasco
ca 'a sera è buono e 'a matina è già lasco!

Assumigliava a chillo ca pe' se cummiglià 'o pietto
rimaneva tutt''e notte cu 'o culo scuperto,
acchiappa a chillo e piglia a chill'ato :
era na pazziella già arrivata scassata!

Ce ne steva uno cch'era nu ddio 'e fetuso,
'n'at'uno cch'era furbo e assaie ambeziuso,
po' c'è steva 'nu despettuso, dduie puntigliusi,
e 'o riesto erano adatte pe' tutte ll'use!

Percio' so' state dduie anne iettate all'urtiche
ca passaste a cunta' sulo trappule e 'ntriche,
duie anne perze pe' cchell'eterna maledizione
ca vo' sta Citta' prigioniera do.... tozzabancone!

Ma , pe' furtuna, 'a uttobre lassareno 'sti scanne,
e fernette 'e pazzia' pure chi, 'nquanno 'nquanno,
tramava cu ll'amice de vecchie scurribanne
chille ca gia' tt'avevano fatt'ì a sciummo cu tutt''e panne!

Fuie allora ca tu capiste ca nient'era cagnato
e che chella maggiuranza era na 'nsalata ammiscata
appriparata apposta da chi nn'aveva maie lassato
stu Cumune addeventato nu sepolcro 'mbiancato!

Nu sepolcro addo' da cchiu' 'e miezo seculo, affariste e cumpiacente
hann'affussato scheletri antiche e recente,
e da chi , cu 'a scusa 'e te purta' giuvamente,
tt''o metteva a cchillo posto, volente o nulente!

Era nn'Amministrazione nata pe' gghi a relento
percio' nunnn'arrivava maie a cuncludere niente ,
pe' dduie anne facette sulo fuoco,fucariello e fucarazzo
ma senza cuncludere mancona ...mazza!

E tutto rimanette appiso, accussì, tale e quale,
tanto ca a ttavula nun fuie miso manc”o mmesale
ma sulo na ccaccavella chiena dd’acqua salata
pe’ ffa’ despietto ‘e cchi ss’era sunnato na bbona magnata!

E accussì accummenciaie chella storica guerra
ca te facette assetta’ cchiu’ c”o culo pe’ tterra,
ll’aria se facette cupa , puzzulente e ammurbante
e Capua iette ancora na vota a manovacante!

Ce steva chi voleva smovere ll’aria stagnante
faticanno e ‘nvucanno pur’ ‘o Spritussante,
ma quale Spiritussante vuleve ‘nvuca’
si mmeza maggiuranza steva cchiu’ alla’ che acca?

Allora primma do fuie fuie turnaie ‘e moda ‘stu ditto:
‘a pruceSSIONe nu cammena, ‘a cera se struie
e tutto stu bburdello varra’ ‘nculo a nnuie!!
E signori miei accussì fuie!!

Fuie na guerra giornaliera viulenta e cruciale
chella tra ‘e Cunzigliere e ‘o Sinneco Generale,
tra chille ca reclamavano putere e visibilita’
e ‘o Generale ca le responneva: vo’ putite scurda’!

E accussì ss’avette ‘a certezza e no ll’impressione
ca nunn’era cagnato pe’ niente ‘o vecchìo cupione
ma sulo ddoie, tre cumparse e ‘o primm”attore,
pecche’ ‘o riesto erano pecore ‘e nu vecchìo pastore!

Allora ‘o primmo cittadino, cunsiderata ‘a situazione
se chiurette nt”a maledetta stanza detta d”e bottone,
e resistette all’assalto’ fino a ll’estrema unzione,
quanno facetter”a ggara a cchi deve pe’ primm”o ‘o scaccione!

E c”o scaccione ‘e speranze, ‘e prumesse e ‘e llotte
lettero tutte quante a ccarte quarantotto,
e tu rimaniste sciuccato e cuntrito
da chi te facette ‘nu servizio pulito pulito!!

Ma quanno fuie ‘a fine rengraziaste a Dio
pecche’ ‘aveva fatto fernì chella biennale agunia
e ll’Unnipotente te sentette e te restituette a libberta’
ma tt’arrummanne pure e nun te fa’ cchiu’ strunzia’!

Percio’ mmo’ se capisce pecche’ ‘a Villa Comunale
ha fatto ‘a stessa fine ca facett’o Spitale,
hanno tenuto ‘o stesso destino e ‘a stessa malasciorta
da quanno a tutt’ e dduie le chiuetter’ e pporte.

E commo fuie p’o Spitale chi ce iette pe’ sotto?
Tu popolo ca si nu ddio ‘e pisciasotto,
e pe’ ccolpa ‘e chella parte ‘e te che pe’ nu poco ‘e muniglia
se venne ll’avvenire da soia stessa famiglia!

Chella bella Villa ca nt’a bbona stagione
cu ll’ombra proteggeva criature, coppie e .. guardone,
e’ stata ‘nnaurata cchiu’ ‘e ciento vote
ma pp’ arrefresca’ sulo a cchilli ca se ‘nsugnaveno ‘e rrote!

E mmo’ a Villa e ‘o Spitale, ca se guardano ‘nfaccia,
sapite quanta maronna ‘e pacchere a votavraccia
vulessero chiava’ a tutte nuie, populo ‘e ‘sta Citta’
ca nunn’amma muosse nu rito pe’ cerca’ de salva!! ?

‘O stesso maleficio e’ tuccato a tutt’ e strate
ca stanno, a una a una, arrepezzate e scassate,
vasule zumpate e fuosse dappertutto
manco ce fossero carute ‘e bombe ‘e Beirut.

‘E vvie do Centro storico se stann’a sprufunna’
tanto ca appena appena ce se po’ cammena’
e visto ca Capua e’ deserta e nun ce sta’ ‘o burdello
stann’a penza’ ‘e ce mette ‘a sabbia pe’ fa’ ce passa’ a ‘e cammelle!

Chella bbella passigiata ‘ncopp’a Riviera Casilina
e’ stata redotte pegge da pegge de mappine
e’ addeventata ‘o cesso ‘e tutt’ e rrazze de cane
e ‘a notte ‘o pisciaturo pe’ pisciavine e pe’ trappane!



Nt''a sta Citta' accussi bella ma viulentata e maltrattata
se so' sfasteriate pur''e bbasule e se so' dissestate,
'e vvie stanno tutte sporche e pareno abbannunate
ma pe' ccolpa 'e cchella ggente strascenata e scellerata!

Ma si ce cammenna' pe' fforza tt'he' purta' na piroccola
si nu te vuo' scuntra' cu nn'esercito 'e surece e de zoccole!!
Zucculune mpellicciate ca fanno ribrezzo
ca magnano allera allera dint''a mmunnezza!

E, a proposito, nu parlammo 'e chella mmunnezza
ca cc'ha fatto passa' mise dint''a schifezza,
chella mmunnezza cc'arrivava a 'o primmo piano
e che ce faceva avuta' a 'o stommaco da nu miglio lontano!

E nu parlammo da raccolta differenziata
che a Capua forze nunn'e' maie decollata
e stavota nn'e' stata tutta colpa dell'Ente Comune,
che ha fatto trenta ma nunn'ha fatto trentuno!

E pure chesta e' na storia ca e' venuta da lontano
e ca ha fatt'i bbuone a 'e surece 'e vatte e a 'e cane
ma no a 'e Cittadine ca pavano na tassa cuntestata
ca assumiglia cchiu' a na rapina... a mmano armata!

'O servizio nun vene fatto e nun te puo' tt'arrebella'
pecche' 'o 'sindacato e 'e dipendente ss'hanna rispetta'!
E rispette a 'e dipendente, rispetti 'o Sindacato, rispetti''o Cumune,
rispetti''a 'a Dittta e rispetti''a cchi nu ppave manc''o spiritussante,
'a fine sul''e strunze pavano 'a Tarsu a vacante!

E nun parlammo de vvie chiene 'e buche' d'evera
che 'e chesta Capua nosta so' 'a vera banneria,
tutt'attuorno a 'o Museo ce steva tanta evera sagliuta
che , grandezz''e DDio, era pure fiuruta.

Menava tutte fiore 'e culore gialle e russe
comm'e culure 'e sta Citta, 'ca sape sulo storcere 'o musso,
e allora 'o Presidente, Francesco Di Cecio , capuano,
dicette ma chiste comme 'o vonno salva' a 'o Museo Campano?

‘O dicette pure pecche’ arrett’o Museo, ‘a via Iannelli
ce steva nu campo sperimentale, ma ‘e alto livello ,
figutateve ca mmiezo ‘a mmunnezza, divane, matarazze e a cocche fumarola
na signora ce cugliette ...na cascia ‘e pummarole!

E nu giapponese ca pigliaie ll’evera fiurita pe’ scicchieria
se facette, cu tutt’ ‘a famiglia, nu rullin’’e fotografie,
n’ato, mmece, ca ss’acalaie pe’ futugrafa’ na pianta ‘e fico
se pugnette ‘e mmane e ‘o culo ‘nt’’a na chiopp’’e lardiche!!

P’’a centrale via Duomo, annante ‘a vecchia pretura
ce steva tanta mmunnezza e evera, ma da fa paura
e siccome ce steva di fronte nn’accursata pizzeria
‘o pizzaiuolo avetta pulizza’ isso stesso cchiu’ ‘e meza via!

A ‘e giardinette ca stanno a ‘o Monumente a ‘e Cadute
circundate da ‘e seie palette rutte e arruzzenute,
ce cresce tant’ evera a tipo pascone
ca fa’ piglia’ scuorno a ‘e Cadute e a Oreste Salamone.

Sempe ‘ncopp’a Riviera Casilina tra ‘e cancellate antiche
ce cresce, ogni dduie metre, na piant’’e fiche
c’’o piacere ‘e stu Cumune ca ‘nzieme all’evera a pantosche,
a settembre offre a ‘e cittadine quintale ‘e fiche moscie!

Diceva mmiezo iurece na vecchia e esperta capera
ca tene bbona esperienza ‘e st’antico mistero,
: evera e munnezza so’ na bbona ‘nzalatera
addo’ ce metton’’a furchetta tutt’’e facenniere!

Dell’antiche cchiese ‘e Sant’Eligio e dd’ Annunziata,
ca so’, da na vita, nu disastre annunziato,
tanno pigliarra’ pruvveremente stu Comune ‘mballato
quanno tutt’’e ddoie se so’ scarrupate!

Ll’Annunziata e’ lesionata e sta mez’abbuccata
e avessa bisogno subbeto ‘e na sistemata
ma pe’ quanno vene maggio e pruvvede ‘o nuovo rettorio
farra’ ‘a stessa fine da Chiesa ‘o Priatorio.

E cchesto pecche' ? Pecche' 'o papa nunn'e' rre
'o Rre nunn'e' 'o papa e nnuie simmo na rapa!

E 'o Cummercio?

Capua era na Citta' assaie ricca 'e Cummercio
e mmo' nun c'e' rimasto nemmeno na 'nzerchia,
oggi 'o cummercio capuano e' nu colabraro
addo' se scola nu negozio quase ogni mez'ora.

Percio' dicimmele na curona 'e requiammaterna
pecche' steva gia' da tempo a 'e pporte 'e ll'inferno
addo' ce ll'hanna mannato chi ll'ha male cunzigliato
e chi se nn'e' lavato 'e mmane pegge 'e Ponzio Pilato!

Gennaro Sessa ca ce perde tempo e denare,
pur'isso ogni tanto se fa' 'o paro e 'o sparo,
siccome ce tene a 'o Cummercio 'e chesta Citta'
se sbulunisce ogni iorno p' 'o fa' repeglia'!

Ce stanno migliare 'e surdate a Porta Roma
e nnuie guardamm' 'all'ate, accussi, toma toma,
se veneno a piglia' po' 'e veneno a pusa'
e nnuie strunze strunze stammo sul''a guarda'!

E ce stanno idee bbone pe' ce mett''o remmedio
ma nisciuno ne piglia cunto e ce vo' tene' fede,
se puteva urganizza' ll'accoglienza de familiare de militare
ma coccheduno pe' despiette 'o facette i a mmare!!

A piazza Maiella cummerciante gentile e capace
campavano tutte quante c' 'o Giudece 'e Pace,
po' na sceveta, quanto maie triste e assaie 'nfelice,
ha distrutto nu Cummercio ca era da mette 'ncurnice!

E chiossa' 'o Ponte 'o Castiello quanno vene accunciato!
Io penzo ca ll'accunciarra' chi nunn'e' ancora nato
ma po' esse ca mentre scegliammo a 'o nuovo pecuraro
'o Ponte ce manna a ffa' nculo e ppo' se ne care!

Diceva seie anne fa' nu celebre pagnuttaro
ca se ne careva sicuramente cu 'a primma sciummara
ma oggi a distanza 'e seie anne 'o stesso pagnuttaro
dice ca un se ne care manco cu nn'ate mille sciummare!

E si 'o traffeco 'ndebulisce pur' 'o Ponte Romano
venimmo pe' televisione tutte nuie capuane:
mettimme n'ata vota ll'acque dint''e fussate
e turnamm''a 'e tiempe de noste antenati!

Semmenammo nn'ata vota 'o ffarro mmiez''o Campo,
abbascia a' Limmata, dint''e giardine e nt''a tutt''e prate,
ce chiurimmece a' rinto, nt''a sta Citta' di Studi e di Arte,
e pruclamammo, subbeto subbeto na Repubblica a pparte!!

N'ato dente ca fa' male a 'sta marturiata Citta'
e' 'o vecchio problema da Sanita'!
'O Distretto Sanitario ca sta' a ffa'gia' 'o calvario
fernarra' priesto pur'isso nt''o calannario.

Si e' overo ca 'o Palasciano sarra' spitale 'e Cumunita'
va' a' ferni ca 'o Distretto cc''o farranno pusa! ?
E chiossa' e cchiossa' ...ma nuie avmma sta' allerta e vigila',
pecche' stavota si so' cazze ca ce facimmo mbruglia'!

Se murmuleia ca chiure pure 'o spitale sammaritano,
chille ca restaie apierto a pposto do Palasciano,
ma pecche' allora 'a pulitica tenette 'a faccia 'e puttana
preferette 'e chiure uno de meglie spitale da regione Campania!

Mo' 'a parte do lione 'a stann'a ffa' Napule e Caserta
ca ss'hanna spartuta tutta quant'a cuperta,
ma ggia' ss'allamentano ca stanno 'ntasate ,
ma 'e probleme so' 'e nuoste si carimmo malate!

Coccheduno dice ca 'a Sanita' Campana e' de quintassenza,
ca e' all'avanguardia e dd'eccellenza,
ma se vere ca Vicienzo primma piscia e ppo' penza
percio' e' inutile ca ogni tanto vo' tira' chesta lenza!



Vicie' cca' nunn'abbocca proprio cchiu' nisciuno
pecche' 'a Sanita aveva esse spartuta nu poco perune
ma se vere ca tu pienze sulamente a Salierno
addo' tu e 'a Citta' ate pigliat'a quaterna!!

Ma io a 'o vurria purta' 'ncoppa a Rucchetta e Croce
e le vulesse fa' veni' nu mal''e capa 'a grappule, quase feroce,
pe' ll'addemustra' ca l'autoambulanza
pe' quanno saglie e scenne 'a muntagna, a tipo vulante
mmece do purta' 'o spitale 'o porta a 'o campusanto!

Ss'e' aperta n'ata ferita nt''o core 'e sta Capua murente,
pur''o 'o Pirotecnico minaccia 'e chiure 'e vattiente
e si manco 'e cane succere a nnuie ca gia' stammo avvelute
ce metteno ncopp'a ferita, at' acqua vulluta!

E cchest'ata acqua vullente ncopp''a ferita
cc'abbruscia assaie e cc'ha fatte gia' resta' ammutulite,
ma speriammo surtanto ca nt''a cchistu murtorio
nu ttocca pur''o Pirotecnico e senn'i a 'o priatorio!

Ma tu nu ssaie ca, forse, ss'e' stutato, nn'ato lucigno
a' posta Centrale 'e via Pier delle Vigne?
Se dice ca 'o smistamento e' stato trasferito alla Citta' cugina
chella ca, ormaie, ss'e' abituata a ce fa' ogne tipo 'e rapina.

'E Castelle 'e Carlo V, de Nomanne e 'e Torr''e Federico
stann'aspetta', da na vita, ca ca coccheduno se ne 'ntrica,
stanno chiuse nt'all'apatia 'e sta' Citta ca nu tene cuntezza
ca sulo lloro tre ce putessero purta' 'a ricchezza e 'a salvezza!

'O traffico che a Capua ss'era nu poco allentato
pe' mmezo do Ponte chiuso ss'e' raddoppiato
percio' si pe' ccaso avit'a i ddo' Assante
e' mmeglio ca ce iate cu nn'aliante!

Ma cca' cu tutto chello ca se nn'e' gghiut''o priatorio
a Capua ce cunvenesse 'e ss'aiza' n' oratorio
Addo' iamm''a ppria' pe' chello cc''avvima perduto
e pe' tutto chello ca cc'hanno futtuto!

Accussi avimmo voglia 'e chiagne e de pria'
pure pe' cchello ca cc'hanna ancora leva'
pe' ccolpa solo e sulamente da nosta
ca ce simmo fatte mettere migliar''e supposte!

Ma a ttutte sti prubleme nisciuno respunnarra'
pecche' 'e sacrificie do populo so' fatte pe' ngrassa'
'a rota 'e chella carretta ca cc'ha purtato fatale
deritto deritto dint''o sfascio tutale.

Ma nt''a tutto su casino ca te stoco a cunta'
coccosa 'e pusitivo a Capua pure ce sta',
e' fatto cu tanta sacrificie e cu tutt''a capuanita'
e chi lotta tutt''e juorne pe cerca' da salva'!

'A Pro Loco ca da anne ieva sempe cchiu' fioca
mmo' cu Luigi Di Cecio st'asci 'a int''o ffuoco
fa' cose belle e cuncrete ca servono a sta Citta'
pe' le fa' piglia' 'o curaggio pe' turna' a spera'!

'A Pro Loco, oggi e' cunsiderata 'o sicondo Cumune
pecche' fa cose ca si no nun se ne futtesse nisciuno,
acconcia vie, chiazze, fontane , fa' 'o Natale e stu Carnevale resuscitato,
inzomma e' 'a vera Pro Loco ca ce simmo sempe sunnato!

Luigi ha saputo piglia' 'o cavallo p''a cavezza
e 'o fa' cammena' cu sicurezza, cu ccalma e destrezza
nt''a sta Citta' chiena 'e pisciaacguasanta
ca ss'hanno sulo critica' e parla' a vvacante!

E bbuono ha fatto 'a Cummissaria Tortelli
a ll'affida' sta festa ca e' turnata 'e primmo livello
sta festa ca era cunsederata nu cuoppo dd'allesse
e che chist'anne ha superato 'e prumesse e 'e scummesse!!

Ma si Di Cecio e 'a Proloco tenen''o curaggio,
doppo cc'hanno rato stu primm'assaggio,
'e piglia' pe' mmane sta festa da dopp''o marteri grasso
allora sarranno Carnevale ca farranno assaie scasso!

‘O Museo Campano ca se chiagneva mmuorto e nfracetato
‘mpruvvisamente ss’e’ sussuto e ha cammenato,
ha fatto comm’a santu Lazzaro, a fora peccato,
ma e’ stato Francesco Di Cecio ca ll’ha resuscitato!

E ll’ha resuscitato senza miracule e senza mistere
pecche’ appena e’ gghiuto cc’ha miso mano addavero
e sapite comm’ha fatto p’’o fa’ cammena’?
Ll’ha rato pe’ mmerecina nu core chin’’e capuanita’!

Mo’ pure ‘e Matres Matutae stanno cuntente
pecche’ Cescio ll’ha fatto nu giuramento
do fa’ turna’ uno de Museie cchiu’ bbello
accuss’ comm’’o teneva ‘ncapo Gabriele Iannelli!

Grazie a dduie nnamurate ‘e Capua, serie e testarde,
a nn’ato ppoco a Capua se parlarra’ lungubardo,
Annamaria Troili e Pompeo Pelagalle
stanno mettenno Capua nn’ata vota a cavallo!!

E ‘o fanno cu sacrifice , cu ‘a cunuscenza ,cu cumpetenza
cu delegenza, cu ‘a cultura e senza cumpenza
‘o fanno overo p’’a gloria ‘e chesta nosta Citta’
pecche’ so’ dduie vere e grande figlie da capuanita’!

Ah ! Mmo’ ca mmaggi’’a fatto chesta sfucata
me sento ‘o core cchiu’ rasserenato,
pecche’ tu Populo he’ capito chello ca ‘e fa’ :
o cagne ‘a capa o fa’ muri sta Citta’!
Ma io so’ sicuro ca ‘a faie resuscita’!!

Ma nun ce turmentamm cchiu’ , faciteme ‘o piacere,
e perdunateme se vv’aggi’’ammurbato facenne il mio dovere
ma mo’ penzammo a ‘o devertimento e ‘a spenseriatezza
ca ce porta sta settimana chin’’e ‘e frivulezza.

Percio’ ritengo giusto e pure naturale
ca tu Populo se sbirraggisce pe’ sti juorne ‘e Carnevale
pero’ fino a martedì a notte, all’ora do funerale,
hadda’ esse ‘o magna’ e ‘o bbeve ‘a cosa prencepale.

Magnateve na bella lasagna, nu par’’e custate dd’ annecchia
e fffogatele ’nziem’’e bbraciole, int’’o Casavecchia
po’ addocet’’a vovva cu ‘e ccastagnole e ‘o sanguinaccio,
e ppo’ iate vicino ‘o specchio e pittattev’’a faccia!

Mettiteve na giacchetta, meglio si e’ stracciata
e ascite pp’a via a ffarve na bbella cammenata,
abballate ‘nzieme ‘a ggente e cantate fino a notte
e schiattatev’’e resate fino a pisciarve sotto!

Allora popolo caro, ca sì ‘o core mio,
scurdammece pe’ sti juorne ‘e guaie ‘e ‘a pecundria
e ricordate ‘e tene’ sempe fede ‘e fiducia
pecche’ pure pe’ tte’ fernarra’ sta viacruce.


Scordate o mmale e allicuordate ‘o bbene
e ricordate ca Carnevale more e ppo’ vene,
arape ‘o core all’ammore , ‘a capuanita’ e ‘a speranza
e pienz’’a salute ca nunn’e’ mmaie abbastanza.

E mmo’ viene acca’ e fatt’abbraccia’
strigneme forte forte e fatte vasa’
guardame nt’a ll’uocchie e tieneme strinto
mentre te dico .. se DDio vo’ ce verimmo... ‘o..... duimilaevvinte !

VIVA CAPUA OGGE E SEMPE !

Capua 22 febbraio Camillo Ferrara

PROVERBIO PER CAPUA: A CHI SE FA PUNTONE, ‘ CANE ‘O PISCIA
‘NCUOLLO!



Le cicuzze 2012
di Camillo Ferrara



Camillo Ferrara e' nato a Capua il 23 aprile 1944 ed e' quinto di dieci fratelli. Dopo la frequenza della scuola primaria e della secondaria, si iscrisse al glorioso Istituto Magistrale "S.Pizzi" di Capua dove fu alunno della compianta prof.ssa Maria Cappuccio, uno dei più importanti pilastri, forse il più importante, di quell'Istituto. Dopo aver conseguito l'Abilitazione Magistrale si iscrisse all'Ateneo di Salerno, alla facoltà di Lettere Moderne ma ben presto dovette abbandonare gli studi per la dipartita del genitore Francesco, unica fonte di reddito della famiglia.

E' di quegli anni la sua passione per la musica ed il canto. Imparò ben presto a suonare la "batteria" ed ebbe come suo istruttore il maestro Salvatore Balzanella, poi diventato suo figlioccio.

Nell'ottobre del 1974, dopo un concorso pubblico, entra a far parte dell'oggi tanto discusso pianeta Sanita' e divenne dipendente dell'Ente Ospedaliero" Ferdinando Palasciano dove prestò servizio in qualità di dipendente amministrativo fino al 1985, anno in cui transitò nella USL di Capua poi, a sua volta, transitata nell'ASL CE 2. Ha ultimato la carriera il 31 dicembre 2008 con la qualifica di Responsabile Amministrativo del Distretto Sanitario 39 di Capua. E' sposato con Rosaria Viggiano che gli ha dato tre bellissime figlie e ha, per adesso, 4 bellissimi nipoti di cui tre femmine ed un bel maschione.

E' letteralmente pazzo per la sua Capua alla quale dedica tutto il suo tempo libero. E' amante delle antiche tradizioni alle quali si dedica incessantemente con tutte le sue forze per il loro ripristino.

Dopo 73 anni di silenzio, e dopo anni di costante "battaglia" ha ripristinato la bellissima ed antichissima Processione delle Statue d'Argento che sono conservate nella Cappella del Santissimo Sacramento della Cattedrale di Capua, ha ripristinato il culto per i patroni S.Stefano e Sant' Agata che erano finiti nel dimenticatoio, l'anniversario del disastroso bombardamento di Capua che distrusse il 75% del centro abitato, la ricorrenza del Martirio di Carlo Santagata, eroe della Resistenza e Medaglia d'Oro. Ha istituito dall'anno 2012 il prestigioso premio Sant'Agata destinato a tutti i figli di Capua, residenti o non, che abbiano dato lustro alla Città'. E' Presidente della Università della Terza Eta' di Capua ed è autore da ben 18 anni delle Cicuzze di Carnevale che scrive ogni anno a titolo di contributo a questa antica festa che, oltre ad essere una importante tradizione per la Città, serve a distrarre, per una settimana, il popolo capuano dalle angosce e dai problemi, innumerevoli, che da qualche tempo l'hanno messa in ginocchio e le hanno fatto perdere la sua antica guida morale di Terra di Lavoro.

ALTRI QUADERNI PUBBLICATI

Collana “**Fabulae**”

- Giambattista BERGAMASCHI: *Relitti di un piccolo naviglio*
- Giambattista BERGAMASCHI: *Tuscaneide*
- Franco TESSITORE: *Racconti 2*
- Giambattista BERGAMASCHI: *STANZE* (Romanzo psico-architettonico-sexy-tragicomico)
- Giambattista BERGAMASCHI: *Pinzimonio in Via de' Servi*
- Giambattista BERGAMASCHI: *La Pleiade (quasi un giallo letterario)*
- Franco TESSITORE: *Racconti*
- Giambattista BERGAMASCHI: *Tra le righe*
- AA. AA.: *Four Stories* (Letteratura di viaggio: G. Bergamaschi, D.R. Carnevale, F. Tessitore)
- AA. VV.: *Racconti di Natale 2008*

Collana “**Poëtica**”

- Giambattista BERGAMASCHI: *Fermentazione lirica (per una nuova 'didattica' della poesia)*
- Giambattista BERGAMASCHI: *Prose e poesie sfiorite (in un giardino quasi zen)*
- Giambattista BERGAMASCHI: *Poëta Novus*
- AA. VV.: *poesie per la donna 2017*
- Camillo FERRARA: *Le Cicuzze 2017*
- Giambattista BERGAMASCHI: *Dire e nascondere. Il "segreto" del poeta*
- Silvana BRIANZA: *Passeggera clandestina*
- Giambattista BERGAMASCHI: *Quando la mente si tradisce: poesie tra sogno e dormiveglia*
- AA. VV.: *Poesie per la donna 2010*
- AA. VV.: *Quanne i suone addeventano Parole*, di Francesco Di Napoli
- Giambattista BERGAMASCHI: *Allora... e ora*
- CLASSE IIA, Scuola Secondaria di I Grado “A. Zammarchi” Castrezzato (BS): *I Colori dell'Autunno - raccolta di haiku*
- AA. VV.: *Poesie per la Festa della Donna 2009*
- Alfredo TROIANO: *Commento al Canto XXVI dell'Inferno*

Collana “**Historica**”

- Franco TESSITORE: *Le eruzioni del Vesuvio nella “Gazette”*
- Franco TESSITORE: *1943: Grazzanise nel fronte di guerra*
- Franco TESSITORE: *Emigrati grazzanisani in USA attraverso Ellis Island*
- Franco TESSITORE: *L'Unione Sportiva Grazzanise: una storia diventata leggenda*
- Franco TESSITORE: *La fine del Fulmine: la drammatica avventura di due marinai di Grazzanise (con l'elenco dei caduti)*
- Franco TESSITORE: *Congrega di Montevergine*
- Franco TESSITORE: *Il Libro dei Morti, 1810-1815*
- F. T.: *Appendice al Libro dei Morti*
- Franco TESSITORE (a cura di): *Catalogo delle notizie riguardanti la Chiesa par.le di Grazzanise, di don B. Abbate*

Collana “**Sapientia**”

- Franco TESSITORE, Jean-Loup Dabadie romanziere: *“Les yeux secs”*
- Giuseppe ROTOLI, *La grammatica del dialetto pignatarese*
- Gianni BERGAMASCHI, *La misura del mondo*